



ԱՆՆԱ ԲԱՔՈՒԶՅԱՆ

Երբ անտարբեր ենք . . .

Մեր օրերում սով չենք տեսել,
Բայց ամեն օր հոգու սովից մահ ենք տեսնում
Մեր օրերում մարմիններ են միայն պճնած,
Իսկ մարմնում խիղճն է տկլոր ու անոթխած:
Վախենում են բառն արժեքը իր շիմանա
Լռությունը ականջները ամուր փակի,
Վախենում են թացն ու չորը վառվի գնա՛
Ու արանքում ճշմարտությունը լու՛ռ մխա:
Վախենում են վախկոտներից
Որ Նազար են իրենց կարգել,
Վախենում են կկուններից,
Որ ուրիշի բույնն են մտել:
Տուն են շինում ուրիշ բնում ,

Էլ հին կկվի լացն ու՞ր մնաց,

Խաչն են հանում հին գմբեթի

Աստծո արդար դատն ու՞ր մնաց:

Չեն վախենում կորցնելուց

Վախենում են համակերպվել,

Որ մի բուռը՝ կիսով չափ լի

Այսպես կամաց կդատարկվի :

Անտարբեր ենք ասես դարձել

Մեր հին վրեժն էլ ու՞ր մնաց ,

Դե բռունցքվի՛ր, մի՛ խեղճացի

Նախնիները մեզ չեն ների:

22.03.2025

ԱԽՈՒՐՅԱՆ